

Pinerluttunik isumaginnittoqarfimmi inissitanut pulaartarneq pillugu nalunaarut (pulaartarnermut nalunaarut)

Kalaallit Nunaanni Pinerluttulerinermi inatsit nr. 306 30. april 2008-meersumi § 218, imm. 3, aamma § 229, imm. 2 naapertorlugu aaliangersarneqarpoq:

Kapitali 1

Anstaltini inissitanut pulaarneq

Pulaarnermut piginnaatitaaffiit il.il.

§ 1. Inissiisarfimmi inissitat perorsaavimmiik pulaartoqarnissaminik akuerineqassapput pinerluttulerinermi inatsit § 215 mannalugu naapertorlugu.

§ 2. Inissiisarfiup, inissiisarfimmi ataasiakkaani pissutsit naapertorlugit torersuunissaq- aamma sillimaniarneq tunngagalugu, inuit amerlassusaat ataatsikkut killilersorsinnaavai

- 1) isertitamut akuerisatut pulaarsinnaasut, aamma
- 2) isertitamut pulaarsinnaasut

Pulaarnermi atortorissaarutit

§ 3. Inuit pulaartarfiit imatut aqqissuunneqarsimasspput, naligninnaasumik pulaarluni inussiarnerpalaartumik aqqissuunneqarsimassammata.

Imm. 2. Inissiisarfimmi pissutsit akuersarneqarsinnaappata, akuerineqarsinnaavoq,

- 1) pulaarneq pissammat inissitap isersimaartarfiani, aamma
- 2) pulaarneq pissammat inissiisarfiup ataatsimoortarfianni.

Pulaartoqarnissamut inerteqqutit

§ 4. Inuit aaliangersimasut pulaarnissaat inerteqqutigineqarsinnaavoq, pulaartoqarnissamullu akuersissut utertinneqarsinnaalluni, pisuni ataasiakkaani torersuunissaq- aamma isumannaassuseq tunngavigalugu.

Imm. 2. Inissiisarfimmi ilaatigut matoqqasumi imaluunniit matoqqasumi pulaartoqarnissamut akuersissut tunniunneqannginnerani, suliamut tunngatillugu politimeterimut paasissutissanik aallertoqarsinnaavoq inissitaq pillugu.

Imm. 3. Ammasumi inissitap pulaartoqartarnissaa akuerineqannginnerani politimeterimut paasissutissanik aallertoqarsinnaavoq inissitaq pillugu.

Imm. 4. Politimeterimut paasissutissanik aallerneq imm. 2 aamma 3-milu allaqqasuni taamaallaat pisinnaavoq qinnuteqartup allakkatigut akuersisimappat. Inissiisarfiup inissitaq siunnersutissavaa pulaartoqarnissamut akuersisoqassappat politimeterimut paasissutissanik aallernissamut akuerseqqaartariaqartoq.

Imm. 5. Pulaartoqarnissamut qinnuteqaat itigartitsissutigineqarpat imaluunniit peerneqarpat, tamatumunnga tunngaviusoq oqaaseqaasiorneqassaaq.

Isigineqarluni pulaartoqarneq

§ 5. Naliginnaasumik pulaartoqarnermi isiginnaartoqassanngilaq.

Imm. 2. Pisuni ataasiakkaani torersuunissaq- aamma isumannaasuseq tunngavigalugu aaliangerneqarsinnaavoq, pulaartoqarneq sulisunik isigineqassasoq.

Imm. 3. Pulaartoqarneq isigineqassanngilaq pulaartoq eqqartuussisuserisoq akuerisaappat imaluunniit eqqartuussisuserisoq illersuisussanngortitaappat imaluunniit inissitaniit pinerluttunut tunngasuni suliame toqqagaappat, inissiisarfirmi tunniunneqartoq imaluunniit pinerluttunut tunngasuni suliame.

Imm. 4. Inissiisarfirmi sulisunik isigineqarluni pulaartoqarnermi piumasaqaataasinnaavoq isiginnaartup paasisinnaasaanik oqaluttoqassasoq. Pissutsit tunngasissaqarluarpata nutserisumik atuisoqarsinnaavoq.

Pulaartumik kipisitsineq

§ 6. Pulaartoqarneq kipisinneqarsinnaavoq, pisuni ataasiakkaani torersuunissaq- aamma isumannaassuseq tunngavigalugu.

Pigisat nassatat il.il.

§ 7. Perorsaaviup, perorsaavinni ataasiakkaani pissutsit tunngavigalugit torersuunissaq- aamma isumannaassuseq tunngavigalugu, inissiisarfiup killilersorsinnaavaa pulaartup inissitamut suut nassassanerai imaluunniit suut pigissanerai. Inissiisarfiup aaliangersinnaavaa suut nassarneqassannginersut, misissornissaannut ajornartut allallu inissiisarfirmeeqqusaanngitsut, inissiisarfirmi inerteqqutit, tak. pigisanut nalunaarut.

Imm. 2. Pulaarnermi mobiltelefonit nassarneqarsinnaanngillat. Tamannani atuutinngilaq pulaartoq eqqartuussisuserisoq akuerisaappat imaluunniit eqqartuussisuserisoq illersuisussanngortitaappat imaluunniit inissitaniit pinerluttunut tunngasuni suliame toqqagaappat, inissiisarfirmi tunniunneqartoq imaluunniit pinerluttunut tunngasuni suliame.

Imm. 3. Inissiisarfiup siusinaarluni pulaartut kalerrittassavi suut nassaqqusaanngitsut pinerluttulerinerme inatsit § 229, imm. 2 naapertorlugu, arsaarinnissutaasinnaapput pigisat aningaasallu inissitanut eqqussat, aammalu eqqartuussivimmu misilitsinnissaq periarfissaalluni pinerluttulerinerme inatsit § 246 naapertorlugu, tak. § 253.

§ 8. Matoqqasumi immikkoortortaqarfimmi pulaartoqarniaraanni piumasaqaataavoq, pulaartup nassatai misissorneqassasut.

Imm. 2. Ammasumi ilaatigullu matoqqasartumi pulaartoqarnissamut atugassarititaasinnaavoq, pulaartup nassatai misissorneqassasut.

Pulaartut atisaanik qallernik misissuineq

§ 9. Matoqqasumi pulaarnermi piumasaqaataavoq pulaartoqartarnermut akuersissuteqarnermut, pulaartut atisatik qalliit misissortissallugit.

Imm. 2. Ammasumi ilaatigullu matoqqasumi pulaartoqartarnermut akuersissuteqarnermut, pulaartut atisatik qalliit misissortissallugit.

§ 10. Atisanik qallernik misissuinerme pulaartoq piumaffigineqartarpoq kaasarfirmiui amooraqullugit il.il. Misissuinerme aamma atorneqarsinnaavoq saviminernut misissuut.

Imm. 2. Matoqqasumi immikkoortortaqarfimmi atisanik qallernik annertunerusumik misissuisoqarsinnaavoq, pisuni ataasiakkaani pasinartoqarpat pulaartoq eqqussiniartoq.

Imm. 3. Annertunerusumik misissuinermi pulaartup atisai qalliit peeqquneqarsinnaapput, inissiisarfiup annertunerusumik misissorsinnaaniassammagu.

§ 11. Pulaartup atisaanik qallernik misissuisoqarniarpat, pulaartuq paasitinneqareersimassaaq

- 1) misissuineq pulaartup akuerisaanik pissammat,
- 2) pineqartoq misissorneqarusunngippat, pulaarnissamut akuersissut itigartitsissutigineqarsinnaammat.

§ 12. Pulaartumik annertunerusumik misissuineq pissappat inimi immikkuullarissumi pissaaq suussusaalu pulaartup naapertorlugu arnaappat arnaannaat angutaappat angutaannarnik isigineqassalluni.

Imm. 2. Misissuineq pulaartunik allanik imaluunniit inissitanik isigineqassanngilaq.

Imm. 3. Misissuineq pissaaq pulaartup misigisaanut kanngunartuussanani.

§ 13. Pulaartumik annertunerusumik atisaanik misissuisoqarpat, oqaaseqaasiortoqassaaq taassumallu inerneranik.

Meeqqanik pulaartoqarneq

§ 14. Naliginnaasumik meeqqanik pulaartoqarneq taamaallaat pisinnaavoq inersimasumik ilaqartillugu.

Imm. 2. Meeqqanik pulaartoqarneq taamaallaat pisinnaavoq angajoqqaatut akisussaasup akuersineratigut. Pisuni angajoqqaat tamarmik meeqqamut akisussaasuni, ataasiakkaani nalilersorneqassaaq, angajoqqaat tamarmik akuersissutaannik piniaqqaartoqassanersoq.

Kapitali 2

Pinerluttunik isumaginnittoqarfiup pensioniani inissitanut pulaarneq

§ 15. Pinerluttunik isumaginnittoqarfiup pensioniani §§ 1-3, § 4, imm. 1 aamma imm. 3-5, § 6, § 7, imm. 1 aamma 3, § 8, imm. 2, § 9, imm. 2, § 10, imm. 1, § 11 aamma § 14 assiganik atuutsinneqassapput.

Kapitali 3

Atortuulersitsineq

§ 16. Nalunaarut atortuulersinneqarpoq, ulloq 1. januar 2010.

Kalaallit Nunaanni Pinerluttunik isumaginnittoqarfia, ulloq 7. december 2009

THOMAS NICOLAJSSEN

